

## Tava žuodē

### *Puoetou Juonauskiou Stasiou atmintē*

To ejē sava žuodiu vedams,  
Anus tonkē nešē i svieta,  
Rokavās – tuoks īr gīvenēms –  
Torem anou kap paukštē čiulbietē.

Degē akīs, dieliuojuos mintīs  
Ē vīnuiuojuos kap siūlu rētēs.  
Kēik suspiejē mums išdalītē!..  
Skrēda eilēs, dūzgē kap bētēs

Aple žemēs vabala maža,  
Aple rugius, švēisa ē dāktus,  
Ne eilieraštē lējuos – peizažos,  
Tik ne kuožnos rond i anou raktus,

Ka atsklēistom tou ruoda i žuolē  
Ēr i čiesa, šiorenonti tīlē,  
Nekušieje ni žvaigždēs i tuoli,  
Tiktā švēisuos i dūšē pripilē.

To skubiejē, bet širdie nebtēlpa  
Žemēs adīna, saujuo – gīvenēms,  
Ēišsprūda i žodontē kēlpa,  
Ē sustuojē kap opēs sruovenēms.

Sava žuodiu apēntās vedams,  
Jau skrēdā – anus kielē i dongo.  
Truopnos bova tava gīvenēms –  
Švēit mums žuodē pro Pondēiva longus...